



**Claudii Fleurii Abbatis Historia Ecclesiastica**

Ab anno Christi 1558. usque ad annum 1560

**Fleury, Claude**

**August. Vind. [u.a.], 1771**

**VD18 90118588**

§. 4. Lotharingius Cardinalis indigne vexatus.

---

[urn:nbn:de:hbz:466:1-66800](#)

Sæcul. XVI  
A.C. 1560.

*Thuan. l. 27.  
Mezer. hist.  
de France  
tom. II.  
p. 801.*

Ordo in Carmelitarum cœnobio conve-  
nerant, ut circa facultates eis datas de-  
liberarent, plerisque ex Nobilitate, ac  
plebe caussantibus, quod judicandi po-  
testas ipsis delegata per Regis mortem  
exspirasset, proin illam haud amplius  
exercere valerent, necnon ad novam  
Deputatorum electionem procedendum  
esset: porro cum illorum petitio ad Na-  
varræ Regem scripta deferretur, hic  
illam sanctiori Consilio exhibuit, ubi  
per Decretum die vigesima Decembbris  
fuit sancitum, ut Deputati in actione  
cæpta eadem jurisdictionis potestate,  
quam hucusque habebant, deinceps ute-  
rentur, eo potissimum nomine, quod  
*ex Regni lege vivus mortuum excipiat, ac  
prima delegatio facta fuerit nomine Re-  
gis, hic autem in Galliis nunquam moria-  
tur, sed continuata possessione Regnum a  
decessore in legitimum Successorem sine in-  
termmissione transmitti videatur.*

#### §. IV.

*Lotharingius Cardinalis indigne  
vexatus.*

Ceterum Lotharingius Cardinalis jam  
ante Regis Francisci mortem de o-  
ratione nomine trium Ordinum in co-  
mitiis habenda præter morem cogita-  
verat; id tamen, quamvis infolens tunc  
videretur, pro tempore dilatum magis,  
quam

quam negatum omnino fuerat; nam assentiebatur sacer ordo, quem ille arbitrio suo circumagebat. Referunt insuper Scriptorum nonnulli, quod hujus Cardinalis oratio potius suæ familiæ apologia, atque mordax Satyra in Calvinistas fuerit, hinc eam perorare prohibebatur, quamvis Grineus ejusdem emissarius, ac Parisiensis Sacelli Cantor hanc facultatem concedi vehementer, irrito tamen conatu, peteret, nobilitatis tamen, plebisque Ordines pertinaciter obluctabantur, & quidem Nobiles id Majorum instituto aduersum dicebant, semperque in usu fuisse obtinebant, quod quilibet Ordo proprium suum haberet Oratorem: Plebæi vero caussabantur, a se nunquam permittendum, ut Vir, adversus quem ipsimet querendi ausam haberent, in ipsorum Advocatum eligeretur: insuper nova Cardinali accesserat vexatio, dum nequidem a Sacro Clericorum Ordine tanquam Orator nominaretur, sed ad hoc munus Joannes Quintinus Augustodunensis, atque in Universitate Parisiensi juris Canonici Doctor designaretur: porro pro Nobilibus perorabat Jacobus Silius Rupifortii Baro, nomine autem plebæi Ordinis sermonem habebat Joannes Angelus, Burdegalensis Curiæ Advocatus.

Sæcul. XVI.  
A.C. 1560.